

A Coruña

Maio de 2024

Referencia:

NSQ- PGV Servizo de Xestión de Plans

Asunto:

Circular sobre aprobación do POS+ 2024 - Plan único de concellos

CIRCULAR SOBRE A APROBACIÓN DO PLAN PROVINCIAL DE COOPERACIÓN ÁS OBRAS E SERVIZOS DE COMPETENCIA MUNICIPAL (PLAN ÚNICO DE CONCELLOS) POS + 2024

O Pleno desta deputación, na sesión ordinaria realizada o 31 de maio de 2024, aprobou o **PLAN PROVINCIAL DE COOPERACIÓN ÁS OBRAS E SERVIZOS DE COMPETENCIA MUNICIPAL (PLAN ÚNICO DE CONCELLOS) POS+ 2024**, no marco das súas Bases reguladoras aprobadas polo Pleno desta deputación na sesión realizada o 24 de novembro de 2023 e publicadas no Boletín Oficial da Provincia (en adiante BOP) número 227 do 28 de novembro de 2023, que foron modificadas mediante acordo plenario desta deputación do 22 de decembro de 2023 para rectificar a base 12.4 reguladora do Pos +Adicional 1/2024 para gastos sociais extraordinarios do exercicio 2024, destinada á regulación dos “gastos excluídos”, que foron publicadas no BOP número 245 do 27 de decembro de 2023. Así mesmo estas bases tiveron unha segunda modificación aprobada mediante acordo plenario desta deputación do 31 de maio de 2024, na mesma data da aprobación do POS+ 2024 obxecto desta Circular, que foi realizada para incorporar a Base 13 que regula o POS+Adicional 2/2024 e a Base 14 que regula o POS+Adicional 3/2024, cuxo contido comunícase a través doutras circulares.

O acordo de aprobación do POS+ 2024 sométese a exposición e información pública mediante a publicación nos próximos días dun anuncio no BOP e o envío á Administración estatal e autonómica para que durante un prazo de 10 días poidan presentarse as alegacións ou reclamacións que se estimen convenientes. Tamén figura na páxina web desta deputación.

Logo de transcorridos estes prazos de exposición e información pública enviaráselle a ese concello unha Circular complementaria comunicándolle o seu resultado, e no seu caso, a aprobación definitiva do POS+ 2024.

O Estado non realizou ningunha achega para o financiamento deste Plan, polo que esta deputación asumiu o seu importe, de modo que o Plan cofinanciase soamente entre a deputación e os concellos que voluntariamente decidiron facer achegas aos investimentos incluídos nel.

Todos os trámites dos concellos que implique a xestión deste Plan faranse de xeito telemático a través da plataforma SUBTEL da páxina web desta deputación www.dacoruna.gal

De acordo co previsto nas súas Bases reguladoras, o Plan estrutúrase en dous tipos de achegas provinciais (**achega provincial 2024 e achega provincial 2023**) e 3 tipos de obxectos (**gastos correntes dos concellos, obras e subministracións e redución da débeda do concello coa deputación relativa ao préstamo provincial**).

No **ANEXO** a esta Circular detállanse os obxectos solicitados por ese concello que foron incluídos no **POS+ 2024**, financiados con cargo a un dos **dous** tipos de achega provincial asignada a cada concello con criterios obxectivos.

Debe terse en conta que **nalgúns casos os obxectos aprobados están sometidos a algunha condición suspensiva especificamente sinalada** e o concello deberá presentar a través da plataforma SUBTEL como documentación adicional a xustificación do seu cumprimento, para que esta deputación poida declarar cumpridas as condicións e continuar coa súa tramitación.

Esta Circular contempla en distintos apartados todos os obxectos posibles do **POS+ 2024**, que serán aplicables aos concellos nos apartados que lle correspondan, segundo os obxectos solicitados e incluídos no **POS+ 2024**.

I.- POS+ 2024 GASTO CORRENTE

Esta deputación transferiralle aos concellos incluídos neste apartado, con carácter prepagable, as cantidades aplicadas ao financiamento dos seus gastos correntes, sempre que teñan xustificado o importe percibido por este mesmo obxecto no POS+2023.

De acordo co previsto na Base 9.1 das reguladoras do Plan, unha vez que o concello realice o pago destes gastos correntes, deberá presentar telematicamente nesta deputación, **ata o 31 de marzo de 2025**, un informe xustificativo dos pagos realizados, asinado pola Intervención ou Secretaría-Intervención, ou por quen corresponda nos municipios de gran poboación, no que se detallen, por unha banda, os pagos realizados, e por outra, os dereitos recoñecidos por ingresos vinculados á prestación do servizo correspondente (taxas, prezos públicos ou outros ingresos públicos ou privados), coa finalidade de cuantificar o gasto realmente asumido polo concello financiado **con cargo ao POS+ 2024, e por último a cantidade transferida pola deputación que o concello aplicou concretamente para financiar cada servizo público obrigatorio**, segundo o modelo que figura como **Anexo IV**. Excepcionalmente, e á solicitude do concello, poderá ampliarse o dito prazo de xustificación mediante Resolución da Presidencia.

O importe dos pagos xustificados deberá concentrarse en dous servizos obrigatorios, coa mesma excepción que a indicada para a solicitude no cuarto parágrafo da base 5.B.1, e deberá axustarse ao importe da subvención provincial recibida.

No caso de que o importe dos pagos xustificados sexa inferior ao importe da achega da deputación transferida ao concello, ou no suposto de que o concello non presente a documentación xustificativa no prazo sinalado, iniciárase un procedemento de reintegro da cantidade que corresponda, segundo o procedemento previsto no artigo 70.3 do Real decreto 887/2006.

II.- POS+ 2024 OBRAS E SUBMINISTRACIÓNS

No ANEXO a esta Circular detállanse as obras e subministracións solicitadas por ese concello, agrupadas segundo se financien **con cargo á achega provincial 2024 ou á achega provincial 2023**.

Nalgúns casos a aprobación definitiva dalgunhas obras ou subministracións incluídas no POS+ 2024 está condicionada ao cumprimento das condicións que se indican, e nestes casos, o concello non poderá iniciar o correspondente expediente para a súa adxudicación. Cando estea cumprida a condición, o concello deberá presentar nesta deputación a documentación xustificativa do seu cumprimento coa finalidade de que esta deputación poida declarar cumprida a condición e en consecuencia, aprobar definitivamente a obra ou subministración **no POS+ 2024**.

É importante destacar que o proxecto que debe adxudicarse é o derradeiro proxecto aprobado polo concello, que é o incluído no Plan, polo que **debe prestarse especial atención cando o proxecto foi obxecto de correccións ou modificacións.**

Na Base 7 das reguladoras do Plan establécese que os concellos contratarán os investimentos de acordo coa Lei 9/2017, do 8 de novembro, de contratos do sector público, mediante procedemento "aberto", procedemento "aberto simplificado", ou procedemento "aberto simplificadoísimo ou simplificado abreviado", utilizando os pregos-tipo de cláusulas administrativas particulares aprobados expresamente por esta deputación, que foron publicados no BOP e que poden consultarse na páxina web desta deputación, <https://www.dacoruna.gal/contratacion/documentos>. O concello deberá cubrir en cada expediente o correspondente cadro de características do contrato.

Se no momento do inicio da licitación fora outra a lexislación vixente en materia de contratación pública, estarase ao disposto expresamente nela.

PROCEDIMENTO	
Procedemento ABERTO	Adxudicación cun único criterio de adxudicación FACTOR PREZO
Procedemento ABERTO	Pluralidade de criterios de adxudicación, con aplicación de XUIZOS DE VALOR e criterios de apreciación AUTOMÁTICA
Procedemento ABERTO SIMPLIFICADO	Pluralidade de criterios de adxudicación, con aplicación de XUIZOS DE VALOR e criterios de apreciación AUTOMÁTICA
Procedemento ABERTO SIMPLIFICADO	Criterios de apreciación AUTOMÁTICA ou mediante FÓRMULAS
Procedemento ABERTO SIMPLIFICADÍSIMO (SIMPLIFICADO ABREVIADO)	Criterios de apreciación AUTOMÁTICA ou mediante FÓRMULAS

O incumprimento das **condicións da delegación da contratación** dos investimentos nos termos indicados na base 7 implicará a perda da achega da deputación ao investimento correspondente, aínda que a achega provincial poderá reinvestirse a través dun Plan dun exercicio posterior.

Excepcionalmente, as obras poderán executarse pola propia Administración de acordo co establecido no artigo 30 da citada Lei 9/2017 de contratos do sector público.

O contrato menor só poderá utilizarse para a adxudicación das obras de acordo co previsto no apartado 2 desta base. Faise máis adiante nun apartado específico unha especial mención á utilización do contrato menor.

Lémbrolle que cada investimento debe ser adxudicado a un único licitador, sen posibilidade de división en lotes, de acordo co establecido no parágrafo 6 da Base 2.2 e de acordo co contido dos Anexos V e IX xa presentados por ese concello para cada investimento.

As baixas que se produzan na adxudicación dos investimentos destinaranse a minorar a achega municipal se existira ata anular, se fose posible, a dita achega. O resto da baixa destinarase a minorar a achega provincial na correspondente actuación e poderá reinvestirse no concello mediante a realización de novos investimentos financeiramente sostibles a través do POS+ dun exercicio posterior, xunto con outros remanentes que se puideran producir nos outros obxectos incluídos neste Plan.

No caso de investimentos de abastecemento municipal de auga potable, cando o IVE soportado sexa deducible, a contía do IVE deducible a prezo de adxudicación virá indicada no Anexo XIV que remitirá o concello, informado pola secretaría municipal, logo de aplicarlle ao IVE deducible a prezo de contrata reflectido no Anexo X b), a porcentaxe de baixa producida e o resto da baixa imputarase en primeiro lugar á achega do concello e posteriormente á achega provincial do xeito indicado no apartado anterior.

En canto ao prazo para **adxudicar** as actuacións do Plan, os concellos poderán adxudicar as actuacións incluídas no Plan **ata o 30 de novembro de 2024**. Non obstante, este prazo poderá ser prorrogado mediante Resolución da Presidencia, de oficio ou previa solicitude motivada dos concellos, cando concorran causas que así o xustifiquen, tendo en conta os prazos de execución previstos na base 8.

De conformidade co sinalado na base 8, todos os investimentos deberán estar **rematados o 30 de novembro de 2025**. Non obstante, este prazo poderá ser prorrogado mediante Resolución da Presidencia, de oficio ou previa solicitude motivada dos concellos, cando concorran causas que así o xustifiquen, tendo en conta que o **prazo máximo para a execución dos investimentos remata o 30 de novembro de 2026**.

Non obstante, **este prazo máximo poderá prorrogarse ata o 30 de novembro de 2027** para o caso daqueles investimentos que o 30 de novembro de 2026 estean aínda pendentes de rematar por causas non imputables ao concello, sempre que na dita data xa estivera iniciada a súa execución. Tamén se poderá prorrogar o prazo máximo de execución ata o 30 de novembro de 2027 naqueles investimentos nos que, aínda que non teña iniciada a súa execución o 30 de novembro de 2026, estean condicionados á obtención de permisos doutras Administracións.

Unha vez adxudicados os investimentos, o concello deberá presentar nesta deputación, a través da plataforma de tramitación telemática de SUBTEL, a documentación xustificativa da **adxudicación** realizada, segundo se detalla na dita plataforma.

Polo que se refire á execución das obras ou subministracións, a Base 8 destaca que os investimentos executáranse polos respectivos concellos con arranxo ao proxecto técnico da obra ou ao prego de prescricións técnicas da subministración.

Se para a execución dos investimentos xorde a necesidade de modificar o proxecto da obra, o concello deberá tramitar o correspondente expediente de acordo co establecido na citada Lei 9/2017, e redactar un proxecto modificado que deberá ser aprobado polo concello e pola deputación. Se o investimento xa está adxudicado, deberá dársele audiencia ao contratista adxudicatario e realizarse os demais trámites legalmente previstos, debendo achegarse o informe favorable da Secretaría municipal. Se o proxecto modificado experimenta un incremento do seu orzamento, deberá asumilo integramente o concello e achegar un informe favorable da Intervención do concello.

Calquera outro incremento que se derive da execución da obra, como liquidacións por excesos de medicións que non requiran un proxecto modificado, deberá tamén ser financiado integramente polo concello e certificarse de forma separada do resto do proxecto, sen que sexa necesaria a súa presentación nesta deputación por corresponderlle ao concello o seu financiamento.

O pago ao concello do importe da achega provincial, realizarase á vista das certificacións de execución das obras ou facturas das subministracións, aprobadas polo órgano municipal competente, que o concello presente nesta deputación, xunto co resto da documentación que se require na plataforma de tramitación telemática provincial SUBTEL, empregando os modelos establecidos.

ESPECIAL MENCIÓN Á UTILIZACIÓN DO CONTRATO MENOR

No POS+2024 continúaase coa posibilidade de utilizar en determinados supostos o contrato menor na adxudicación das obras incluídas neste Plan, o que se regula na Base 7.2 e no penúltimo parágrafo da Base 8, segundo se transcribe de seguido:

“Base 7. 2.- Utilización do contrato menor na adxudicación das obras

Unicamente poderán adxudicarse utilizando o contrato menor as obras (non as subministracións) incluídas no POS+ 2024, cando o seu valor estimado sexa inferior a 40.000 euros (IVE excluído), e inferior a 48.400.00 € (IVE incluído), e cun prazo de execución non superior a un ano que non poderá prorrogarse

A selección do contratista, segundo o orzamento do proxecto das obras, realizarase do seguinte modo:

Valor estimado	Entre 24.794 e inferior a 34.000 € (IVE excluído)	Consulta polo menos a 3 empresas / ou Publicación dun anuncio na Plataforma de Contratación
Orzamento de contrata	Entre 30.000 e inferior a 41.140 € (IVE incluído)	
Valor estimado	Entre 34.000 e inferior a 40.000,00 € (IVE excluído)	Publicación dun anuncio na Plataforma de Contratación
Orzamento de contrata	Entre 41.140 e inferior a 48.400,00 € (IVE incluído)	

Os concellos deben presentar nesta deputación a seguinte documentación:

- *Proposta para realizar a adxudicación da obra mediante contrato menor, autorizada pola Alcaldía ou concellería delegada, de acordo co previsto no artigo 118 da citada Lei 9/2017, na que figuren, entre outros, os seguintes datos:*
 - *Denominación, orzamento e prazo de execución*
 - *As tres empresas ás que se vai facer a consulta, ou a indicación de que se vai publicar un anuncio na Plataforma de Contratación*
 - *Prazo e forma de presentación de ofertas*
 - *Criterios de adxudicación coa súa ponderación, debendo ser sempre un deles o prezo.*
- *Certificado de existencia de crédito ou documento contable RC*
- *Resolución de adxudicación na que motivadamente se recollan os datos da empresa adxudicataria e o prezo de adxudicación.*

Nos demais aspectos será de aplicación o previsto nas Bases reguladoras do **POS+ 2024**, especialmente no relativo á presentación xunto coa solicitude do proxecto técnico e os informes requiridos nas Bases, e á xustificación mediante certificacións de execución das obras aprobadas polo concello.”

Base 8, parágrafo penúltimo (Execución dos investimentos)

*“Non obstante, **cando se trate de obras adxudicadas mediante contrato menor, o prazo de execución será como máximo dun ano** desde a data da súa adxudicación **e non poderán ser obxecto de prórroga**, o que se controlará tanto desde o concello como por esta deputación, de conformidade co disposto no artigo 29.8 da citada Lei 9/2017. A documentación xustificativa da súa execución deberá presentarse nesta deputación **no prazo de dous meses** contados desde o día seguinte ao da acta de recepción, coa finalidade de facilitar o seu seguimento e control por esta deputación, dada a brevidade e simplificación administrativa deste procedemento .”*

III.- POS+2024 REDUCIÓN DA DÉBEDA DO CONCELLO COA DEPUTACIÓN RELATIVA AO PRÉSTAMO PROVINCIAL

Segundo o disposto na Base 9.3, cando o concello solicite aplicar achega provincial á redución da súa débeda coa deputación orixinada pola solicitude e aplicación de préstamo provincial ao Plan de aforro e investimento (PAI) 2015 e 2016 e ao Plan provincial de cooperación ás obras e servizos de competencia municipal, Plan único de concellos, POS+2017 ao POS+2023, a deputación realizará as operacións contables e orzamentarias que sexan precisas para reducir a súa débeda relativa ao préstamo provincial, minorando en primeiro lugar a aplicada no Plan máis antigo, e dentro deste en primeiro lugar á aplicada a minorar a débeda do concello con entidades financeiras e posteriormente á aplicada ao financiamento de investimentos.

IV.- POS+ 2024 PLAN COMPLEMENTARIO

O acordo plenario do 31 de maio de 2024 aprobou tamén o Plan Complementario ao POS+2024, no que se inclúen os investimentos solicitados por ese concello neste apartado. Estes investimentos teñen natureza de reserva coa finalidade de poder investir en cada concello os créditos procedentes dunha maior achega provincial a este Plan que xa foi aprobada e que se comunica a ese concello mediante a correspondente Circular, na que se indica a cantidade asignada así como a finalidade á que se pode destinar, de conformidade co previsto nas bases do Plan.

POS + 2024
PLAN PROVINCIAL DE COOPERACIÓN ÁS OBRAS E SERVIZOS DE COMPETENCIA MUNICIPAL
PLAN ÚNICO DE CONCELLOS
CONCELLO DE BOQUEIXÓN

1.-GASTOS CORRENTES	2.-INVESTIMENTOS			3.-REDUCCIÓN DE DÉBEDA COA DEPUTACIÓN			TOTAIS		
ACHEGA PROVINCIAL 2024	ACHEGA PROVINCIAL 2024	ACHEGA PROVINCIAL 2023	TOTAL INVESTIMENTOS	ACHEGA PROVINCIAL 2024	ACHEGA PROVINCIAL 2023	TOTAL REDUCCIÓN DE DEUDA	ACHEGA PROVINCIAL 2024	ACHEGA PROVINCIAL 2023	TOTAL
220.522,90		171.017,76	171.017,76			0,00	220.522,90	171.017,76	391.540,66

	ACHEGA PROVINCIAL 2024	ACHEGA PROVINCIAL 2023	TOTAL	PLAN COMPLEMENTARIO SOLICITADO
Asignado	220.522,90	171.017,76	391.540,66	97.885,17
Solicitado	220.522,90	171.017,76	391.540,66	403.699,73
Diferenza	0,00	0,00	0,00	305.814,56

CONCELLO	GASTOS CORRENTES
BOQUEIXÓN	220.522,90

POS + 2024
PLAN PROVINCIAL DE COOPERACIÓN ÁS OBRAS E SERVIZOS DE COMPETENCIA MUNICIPAL
PLAN ÚNICO DE CONCELLOS

CONCELLO DE BOQUEIXÓN

ACHEGA PROVINCIAL 2023	CONCELLO	CÓDIGO DE OBRA	DENOMINACIÓN	DEPUTACIÓN	Achega municipal	IVE Deducible	TOTAL CONCELLO	TOTAL	CONDICIÓN
	BOQUEIXÓN	24.2000.0120.0	Mellora viario en Pumares, Sergude e outros	141.017,76			0,00	141.017,76	-Autorización Axencia Galega Infraestruturas (AXI) -Autorización Patrimonio Cultural -Autorización Administrador de Infraestruturas Ferroviarias (ADIF) -Supervisión favorable do proxecto corrixido e aprobación polo concello
		24.2000.0121.0	Reparación parque infantil San Vicente de Boqueixón e outros	30.000,00			0,00	30.000,00	
				171.017,76	0,00	0,00	0,00	171.017,76	

POS + 2024
PLAN PROVINCIAL DE COOPERACIÓN ÁS OBRAS E SERVIZOS DE COMPETENCIA MUNICIPAL
PLAN ÚNICO DE CONCELLOS

CONCELLO DE BOQUEIXÓN

PLAN COMPLEMENTARIO					
CONCELLO	DENOMINACIÓN	ORZAMENTO	IVE DEDUCIBLE	ORZAMENTO SUBVENCIONABLE	CONDICIÓN
BOQUEIXÓN	Saneamento núcleo de Frenza e outro	149.360,28		149.360,28	-Autorización Patrimonio Cultural – Xunta -Supervisión favorable do proxecto corrixido
	Saneamento núcleo de Ardilleiro Pequeno e outros	222.171,25		222.171,25	-Autorización Patrimonio Cultural – Xunta -Autorización Axencia Galega Infraestruturas (AXI) -Supervisión favorable do proxecto corrixido
	Mellora camiño en Burgo, Lamas e outro	32.168,20		32.168,20	Autorización Patrimonio Cultural - Xunta
	TOTAL	403.699,73	0,00	403.699,73	